

爲雷火燒失，親王傍親源經光被震死畢，經光日來依風病寢臥于時雷聲殷殷，經光驚執兵仗俗號之奈木奈，爰如流星物穿屋上飛來，經光忽以顛臥，其腹二尺計割畢，于時經光妻在側被衣臥地，日來依讀誦觀音經，適免其殃畢云々，靈驗揭焉者也，經光者前下野守源明國男也，雖累葉武士，雷公不怕之云々，今夜內親王避雷火，令移宮內大輔藤原定信宅云々，依近隣也，十日己卯，今朝洛中民庶相集，見去夜雷火所，而經光尸骸在灰爐之中，不消沒，見者如堵，或云經光執行坐近江國之武部社社務之間，每事行非法之徵云々。

〔百練抄高倉〕嘉應元年正月廿六日，戌時天陰風吹，大雷電，十一月十二日戌時，雷落法勝寺九重塔第三層，欲燒損，打消之。

〔顯廣王記〕安元二年三月一日丙午，日蝕，可有巳午時，而已時小雨雷鳴，雖其音不大，落法勝寺塔，振出納四人，其中一人死去了，自塔落也，仍本寺觸穢云々，巳午時天晴了，恠□□。

〔吾妻鏡〕二十五，承久三年正月十日乙未，終日風烈，及晚頭俄雷鳴雨降，廿二日丁未，依去十日雷鳴變，始行祈禱等略，又於鶴岳宮令供僧等轉讀大般若經。

〔吾妻鏡脫漏〕元仁二年嘉祿元年二月卅日辛酉，霽午刻卒雨降，雷電數反及申之斜。

〔吾妻鏡〕二十七，寬喜二年十一月十八日午時，俄風雨申刻雷鳴，入夜暴風雷雨甚，冬至雷殊變異也，可有御慎云云。

〔吾妻鏡〕二十八，寬喜三年十二月卅日，今夜戌亥兩時甚，雨雷鳴，及深更雨休，大晦夜雷鳴爲殊重變之由云云。

〔親長卿記〕文明十二年正月七日，入夜雷鳴大雨下，去年正月一日雷鳴，當年今日雷鳴，天地不相應之世也。

〔延喜式〕四十五左右近衛，凡大雷時，左右近衛陣御在所，又左右兵衛直參入陣，紫宸殿前內舍人立春興殿西